



● EDITORIAL ● RAL VENGTU ● CHHUNGKAW CHANCHIN

✚ Synod Executive Committee 245-na thurel thenkhat
✚ Pathian thu zirnaa thiamna vawrtawp zirna Mizoramah
✚ Lay Day 2013 ✚ **Nun Dan** ✚ Siam that leh ven hna

RNI 68092/83 Regn. No. N.E. 1024

From

Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD *Newsletter*

Volume XXVII. No. 357

E-mail : synodnews@gmail.com

JUNE, 2013

MIZORAM PRESBYTERIAN CHURCH SYNOD PASTORS' RETREAT HLAWHTLING TAKA NEIH A NI

- Retreat Thupui, 'Berampu Tha' tih chu hlawm hrang paruka thenin zir ho a ni
- Pastor/Minister/Probationary Pastor thawk lai 361 leh pensioner 42 an kal thei

May 14-17, 2013 khan Mizoram Presbyterian Church Synod Pastors' Retreat Aizawl Theological College-ah hlawhtling taka neih a ni a. Pastor leh Pro. Pastor 361 leh Pensioners 42 kalin an vaiin 403 an ni. Pastors' Retreat-ah hian 'Berampu Tha' tih thupuia hman a ni a. Retreat tan zanah Rev. Lalramliana Pachuau, Moderator-in Retreat kaihruiin Inlawmna hun a hmang a. Rev. Vanlalzuata, Senior Executive Secretary, i/c Pastoral, etc-in Retreat thupui a sawi hawng a. 'Berampu Tha' tih hi thupui hrang hrang parukah then leh a ni a, a sawitute nen han tar lang ila : (1) **Berampu Tha - Tunlai khawvelah**: Rev. Dr. C. Lalhlira, Vice Principal, ATC; (2) **Berampu tha - Thlarau nunah**: Rev. R. Lalchangliana; Director, Synod Revival; (3) **Berampu tha - Inpeknaah**: Rev. K. Lalhmuchhuaka, Pastor Incharge, Dawrpui Vengthar Pastor Bial (4) **Berampu tha - Thawh honaah**: Rev. F. Laltlanthanga, Pastor In-charge, Tuikual Pastor Bial; (5) **Berampu tha - Personal Evangelism-ah**: Rev. Lalneihvura, Pastor In-charge, Venghnuai Pastor Bial; (6) **Berampu tha - Thuhriah**: Rev. Lianhmingthanga Sailo, Pastor In-charge, Chawnpui Pastor Bial te an ni a. Thupui sawituten an chanvo tha takin an hlen chhuak vek thei a. Kan ram dinhmun leh kohhran kal meka kan mamawh tak takte an sawi hlawm a. Pastor rual kal khawmte beng pawh a fah hlawm hle. Thupui ngaihthlak zawhah hian a remchan dan anga sawi hona pawh neih thin a ni.

Ni 16 (Ningani chawhnu) chu General discussion hun atan hman a niin Rev. H. Lalrinmawia, Synod Secretary-in a kaihrui a. He hunah hian Pastor zali rual kalkhawmte hian an Pastor pui damlote leh thlichhe lakah Mizoram kan him theih nan urhsun taka tawngtai rualna hun an hmang baw a, a thum tha chur chur hle. Tawngtai hmaa thli avanga rilru pangkhing ve deuhva awmte pawh an han tawngtai zawh meuh chuan an thawl huai hlawm niin an zinga mi pakhat chuan a sawi. He mi zan vek hian Rev. Lalramliana Pachuau-in thuchah nung takin a sawi a, ngaithlatute thinlung a hneh hlawm hle. He Retreat-ah hian dai hriat (experiences) tha tak tak lo nei tawhte kamchhuakin Pastor naupang zawkte pawh a tibengvar hle a. Pastor' Retreat hi ATC lamin zo takin an lo thleng a. Khaw nuam lo tak karah hlim tak leh hlawhtling takin an zo thei a, Pathian leh kohhranhote chungah lawmthu an sawi a ni.

Hetiang hun hi a tir lamah chuan 'Pastors' Conference' tih a ni a. Kum zawnte pawhin neih thin a ni a. A hnu deuhvah 'Pastors' Retreat' tih leh 'Pastors' Conference' tih hman pawlh nawk nawk a ni a. Kum khat kar danah te leh a aia tam kar danah te pawh a remchan danin neih thin a ni a. Kum 1997 atang khan kum khat kar danah zel mu mal takin 'Pastors' Retreat' tiin neih a ni chho ta zel a. Thupui pawh neih a ni thin.

Tunah hian Mizoram Presbyterian Church Synod hnuai hian Pastor/Minister thawklai 378 leh Probationary Pastor 68 an awm a. Pensioners 98 an awm baw. Tlangpui deuh taka chhutin kan Pastor/Minister-te zingah Mizorama awm 223, Mizoram pawna awm 148 (zir leh te nen), India ram pawna awm 7 (zir leh te nen) an ni. Ram pawnah hian Wales-ah 2 te, USA-ah 4, Cambodia-ah 1 an awm a ni (LPT).



2013.04.14

SYNOD Newsletter

EDITORIAL STAFF
 Rev. K. Lalpiangthara (LPT)
 Rev. Thangzauva (TZ)
 Upa H. Ronghaka (HR)
 Upa Khawichungnunga (KCN)

Editorial

FIMKHUR THIAM

Fimkhur hi mi changkang zia a ni a. Mi changkang apiang an fimkhur thiam thin a, mi mawl apiangin fimkhurna an tlachham thin. Fimkhur lohna hian mi a timualpho thin a, hlawhchhamna leh chhiatna thlengin a thlentir thei. Hetiang a nih avang hian kan Bible pawh hian fimkhur turin min lo chah tam khawp mai. 'Fimkhur' tih hi vawi 114 a awm a, 'fimkhur rawh' tih hi vawi 58 lai kan hmu baw. Judah chuan in an sakina chung zawlin an sa thin a, mi an tlak loh nan an in chung pawh hung turin Pathianin Mosia hmangin a hrilh thlap a ni (Deut 22:8).

Ram changkang apiang an fimkhur thiam thin a. An in sak danah te, kawng an kaltir danah te leh hmunhma an rem danah te a him tur an ngaihtuah thin. Kan rama sum duh avanga mi malin school leh hostel an hawng ve chawt chawt zel mai te hi a him em? Nu leh pate pawhin kan fate khawsak nana a him leh him loh ngaihtuah phak a pawimawh. Mi thiamten thil chhia an hmang tangkai thiam thin angin kan rama chhiatna lo thlengte pawh hi hman tangkai dan zir ila. Kan in sak danah te min tifimkhur sela, inhmakhua kan ngaihna lai apiangah kan kut min tihchaksak sela. Se bo hnua se kawng khar ngai lo turin chet i han tum teh ang. Ni tina hun kan hman danah hian harsatna leh hlawhchhamna min thlen thei lakah te leh sualin min tihmualpho theihna lakah te kan ke pen i veng fimkhur tlang ang u.

POLITICS INZIRTIRNA

MLA Inthlanpui neih tur pualin Synod Social Front Committee chuan Politics Inzirtirna beihpui thlak leh a tum a, thupui atan 'Mipuite Mawphurhna' tih a thlang. A hmasain Mizoram chhung Presbytery tina Moderator leh Secretary zawng zawng sawmin July 11, 2013 (Ningani) khian Synod Conference Centre, Aizawlah Political Education Seminar buatsaih a ni ang. Bial leh Kohhran malin an sawmna chhangin Politics Inzirtirna hun hi hman zel a ni baw.

Synod Social Front hian Ni 100 Inhlawhna (MGNREGA) chungchang TV-a sawihona (Talk Show) buatsaih a tum a; an inpuahchah mek baw.

SSM RESULT

Mizoram Presbyterian Kohhran Synod Music Department enkawl **Synod School of Music** (SSM) Tonic solfa leh Staff notation, morning class, March - May session result tihchhuah a ni a, exam beitu 81 zinga pangain Honours-ah an pass a, First Division-a pass 23, Second Division 20, Passed 13 leh Supplement 16 an ni. March - May session-a tiha zual (Top 3)-te heng mite hi an ni:-

1. NlLalngaihzuai
Vaivakawn Vengthlang
2. Tv H.L. Hmunsiamia
Bawngkawn 'E'
3. Tv C. Vanlalruatkima
Chhingchhip Venghlun

Exam beitu 81 zinga 14 chu Bawngkawn Kohhran mal Music School atanga exam an ni a. 67 chu SSM-a zir an ni. SSM June - August session (Tonic Solfa leh Staff Notation) morning class chu June ni 5 atang khan tan a ni leh tawh a; a dawt leh September - November session-a zir duh chuan August thlaah ngaihven tur a ni ang.

SSM-a music zir diltu an pung tial tial a, seat 40 vel ni thin kha kuminah a let zeta tihpun a ni chungin lak sen loh eng emaw zat an awm zel a, heta zir chhuakte hi KTP-ah leh Tleirawl Pawl (Youth For Christ/Youth With Christ, etc)-ah te tangkai taka hman zui thin an nih avangin thalai pual rawngbawlnaah leh Kohhran pui huap pawhin hma a sawn phah niin thu kan dawng.

MLA INTHLAN 2013 PUALA TAWNGTAI RUAL HUN

Kum 2012 Synod Inkhawmpuiin a lo rel tawh angin kumin 2013-a Mizoram Member of Legislative Assembly (MLA) thlanna kan neih leh tur pualin August 25, 2013 (Pathianni) zanah khian Kohhran tinah tawngtai rualna hun hman tura tih a ni a. Hemi zan hian sermon thupui Pastoral Ministry Thupui, "Ram chu Lalpa ta a ni," tih hman tura tih a ni baw.

Mizoram State Inthlanpui hi Kohhran tinin Zing Tawngtai Inkhawm leh Inrinni zan tawngtai inkhawm thupui pakhat hman ni thin se, tiin Synod Secretary Rev. H. Lalrinmawian Kohhran tinte a hriattir. Tawngtaina thupui then ruk siam a ni baw.

SYNOD TELEPHONE DIRECTORY 2013

Synod Information & Publicity Department chuan **Synod Telephone Directory 2013** a tichhuak thar a. Pasor/Minister te, Kohhran Upa te, Tual Upa te leh Pem Upate pek an ni a; Kohhran copy tur pakhat nen. Kohhran tinin mahni Kohhrana a dawng thei zat hre sain Synod Office mamawh lamnaah ngaihven theih a ni e.

NUN DAN

SIAM THAT LEH VEN HNA

Furpui kan hmabak a, a hun taka ruahtui kan dawng thin hi Pathian malsawmna ropui takah ngaih tur a ni ang. Chutih lain ruah sur nasa hian leilung, kawng leh tuihawklaukawr te a tichhe nasa thei hle mai thin a, mahni in bulah hetiang hi kan hmuh chuan sawrkar lam chet ngak kher lova a theih ang anga siam that hna thawh hi khua leh tui thate tih tur a ni. Entir nan, kawng bang lei tlem azawng tlain tuihawklaukawr a hnawh avangin kawngah nasa takin tuihawk a luang thin a, kawng a tihchhiat thin bakah a tawpa a luan liamnahte pawh nasa tak a khawih thei; ruah sur lai ngei pawhin a bul hnaia miten tlawmngaih chhuahin tuihawklaukawr hnawhtu kha han hai hlek se, chu siam that hna chuan thil nih tur ang ni lovin a nghawng, chhiatna dang thleng zel tur a dang tihna a lo ni a; siam that hna ropui tak a ni.


Mahni kawt zawn vantlang kawng, ruah leh thil dangin a tihchhiat, a zualpui han hnawha kal hrehawm lutuk lo tura han siam mai te hi chhungkaw tinin kan tih theih, thil tangkai leh pawimawh tak a ni baw.

Khawvel huapa hriselna lam hna thawk pawl, World Health Organisation (WHO) chuan thupui, "Khawvel huapin ngaihtuahna hmang la, i awmna hmunah thawk rawh" (*Think globally, act locally*) tih an hmang a. Hriselna thuhai hi thil tangkai tak a ni. He thupui hi siam that leh ven hna kan thawhnaah pawh hian a pawimawh khawp mai. Khawvel huap ngaihtuah phak a ngaih laiin mahni awmna hmuna thawh mawlh mawlh tur thil tam tak a awm a, chu chuan khawvel huapin thil tidanglam phalovin lang mah se, a tangkaina lai zawn teah chuan a tha zawng danglamna thlentun pawimawh leh hlu tak a ni thin. "I awmna apiangah eng rawh" tih te nen pawh a inzawm thei ang - (HR).

SHSS-AH HMEICHHE HOSTEL

Mizoram Presbyterian Kohhran Synod Education Board hnuaia mi Synod Higher Secondary School (SHSS) chuan zirlai hmeichhiate awmna tur hostel tha zet mai an nei thar. He hostel-ah hian zirlai 90 an awm thei dawn a; mi 60 lak phawt tura tih a ni a, hei hi luah khah nghal vek a ni.

SHSS-ah hian thingtlang lam (Aizawl pawn) tan seat za zela 40 hau (reserved) a ni a. Hmeichhe hostel tha tak awm hi zirlaite tan a remchang hle. He hostel, SHSS Principal quarters thlen hma kawng thlanga sak hi May 10, 2013 khan Synod Moderator, Rev. Lalramliana Pachuau-in Pathian hnena hlanin a hawng a, a sak nan hian cheng nuai 131 zet sen niin thu kan dawng.



RAL VENGTU

Mite chuan Râl Vêngtuin a entlang vuaha khua a thlir vang vang lai chu an va nangching a. Eng nge a thlir tia an han zawh chuan, ral lehlama Biak In, member pasarih vel chauh lawina tur cheng nuai tam taka an sak zawh hlim chu a thlir a lo ni a.

Mite chuan eng tiziaa Biak In ber kher thlir nge a nih tih an zawt a. Râl Vêngtu chuan, “Eng emaw chen aţang khan kohhran pawl thenkhatah thlarau bo vei vang ni lo, pawl ram vei vanga nakin hun thlira Biak In sak chawt chawt duhna hri a leng nasa a. Nangnin tam nih in uanpui viau lai leh a chhunga rawngbawltu nih nuam in tih viau lai hian, kua an lo hreuh an lo hreuh va, nakinah an la phur thlu mai ang che u tih ka hlau khawp mai. Hmathlir thui tak nei ula, nakina in inchhir lohna turin kohhran din zung zung ula. Kohhran in indan chak leh in tan a ţa a ni mai. Indan thu-ah pawh hian mipui aia a thibehhovah hian a sak deuh zawk emaw tih tur a ni a. Anniho pawh hi inenfiah deuh se a ţa ang,” tiin thurawn a pe a. Mite chuan, “Thurawn fng tak a ni. Keimahni lam in-X-Ray kan ngai a nih chu,” an ti a, an ţin ta dam dam a.

PATHIAN THU LAMA THIAMNA VAWRTAWP, D. Th. ZIRNA MIZORAMAH HAWN A NI TA

Mizoram Presbyterian Kohhran enkawl Pathian thu zirna, Aizawl Theological College (ATC) chu Senate of Serampore College (University)-in Pathian thu zirna sang ber, Doctor of Theology zir theihna tura a pawm avangin June ni 7, 2013 (Zirtawpni) khan Doctoral Centre chu Synod Moderator Rev. Lalramliana Pachuau-in a hawng.

Synod Moderator hian inkhawm a kaihruai a; Mizoram Chief Minister, Pu Lalthanhawla chu khaulian a ni a; Rev. Dr. H. Vanlalauva, Dean & Director of Research/SATHRI, Serampore University chu khual zahawm a ni. Rev. Auva hian a thuziak (paper) a chhiar a, Rev. Prof C. Lalhlan report a pe. Mizoram University Vice Chancellor Prof R. Lalthantluangan lawmpuina thu sawiin ATC Principal Rev. Prof. Vanlalchhuanawman lawmthu a sawi. **New Testament, Christian Theology** leh **Missiology** subject-ah D. Th. zir tur lak phawt a ni ang.

LAY DAY 2013

Lay Day pualin mi rethei damlote tanpuina Rs. 58,105/- hlan a ni

Synod hnuuia thawk, ordained minister ni lote inpawlhona, Synod Lay Workers’ Fellowship (SLWF) chuan May 31, 2013 khan Synod Hospital Chapel-ah hlim takin Annual General Meeting (‘Lay Day’ tia an sawi mai thin) an hmang a. Member 470 zet an kal.

Lay Day chawhma lamah hian ‘Hun Urhsun’ an hmang a; Dr. Vanlalruata, Director, Synod Hospital-in a kaihruai a. He hunah hian Department hrang hrang aţanga kal zat inchhiar a ni a, Secretary Report leh Treasurer Report te ngaihthlak a ni leh a. Synod Moderator Lay Day Address, Rev. Lalramliana Pachuau-in a sawi zui a. Synod Moderator chuan, “Laymen te rawngbawl na hi kohhran tan a ţangkai em avangin ka ngaih pawimawh tak chu ‘thawhhona ţa’ a ni a; kan hna hi kan rawngbawl theihna tura Pathian min kohna a ni tih pawm a pawimawh bawk,” a ti. Thawhhona ţa nei tur chuan – Inpekna, thu awihna, inngaihsak tawn, mi lawm thiam, ţawng tam lutuk loh leh mi mal mal inhriat tlan a ţul thu a sawi.

Kumina Lay Day thupui thlan, “**Inpekna**” tih chu Rev. Vanlalbelan nung takin a sawi a. Lal Isua inpekna aţanga sawiin, Lal Isua chu – Thu awih turin a inpe a; tlawm turin a inpe a; thianghlim turin a inpe a; mite dam nan a inpe a; remna siamtu ni turin a inpe a. Amah zuitute pawh Krista inpekna leh hnathawh chhunzawm tur kan ni, a ti.

Hun Urhsunah hian kumin 2013 aţanga pension-a chhuak mi 10 hnenah chawimawina thuziak hlan a ni a; kum khat chhunga SLWF member, chatuan ram pan ta, mi pahni – Ni Darthangi (Pensioner) leh Pu R. Biakchungnunga (PRESCOM) te sunna hun hman a ni bawk.

Kum danga lo tih tawh angin kumin Lay Day denchhen hian SLWF member-ten tanpui ngaita tanpuina tur sum an thawh khawm leh a. An sum thawh tling khawm Rs.58,105/- chu Synod Hospital-a damlo, enkawl na senso pe thei lote tanpuina, ‘Charity Fund’-ah pek a ni.

Chawhnu lamah Upa R. Dengzikpuia kaihruaiin zangkhai takin ‘Hun Zangkhai’ hman a ni a; special item ngaihnaawm, hmuhnaawm leh hmui keu tak tak a tla ţa hle. Pensioner-te thawnthu hlui leh *Hospital Gangnam style* te chuan mit leh beng a titlai thlawt. Lay Day-a kal ţa ber, SMTC-in Running Trophy, Cup thar mawi tak an chawi. Tlaiah ruai tuihna tak thehin hun hlimawmin hnu an khar a ni (HR)

SYNOD HOSPITAL, DURTLANG APRIL, 2013 CHHUNGA THILPEK DAWNTE

I. CHARITY FUND

1. Presbyterian English School, Daido	Rs. 500/-
2. Pu Lalnunsanga, Durtlang Kawn Veng	Rs. 1,000/-
3. VTR Computer Centre, Khatla	Rs. 600/-
4. Zamuang Presbyterian Kohhran	Rs. 5,000/-
5. D-3 Business Enterprise	Rs. 7,000/-
6. Gateway Enterprise, Bawngkawn	Rs. 500/-
7. KTP, Zomuan Pastor Bial	Rs. 5,000/-
8. Pu C. Hmingthanzuala te chhung, Chaltlang	Rs. 20,000/-
9. Sairang Presbyterian Kohhran	Rs. 10,000/-
10. Model Veng Presbyterian Kohhran	Rs. 7,680/-
11. Karbi Anglong Field Missionary Retreat Inkhawm Thawhlawm	Rs. 6,160/-
12. Dr. Rebecca Lalrintluangi, UCC, Borapani	Rs. 4,000/-
13. Republic Veng Bial Kohhran Hmeichhia	Rs. 15,000/-
14. Thingsulthiah Bial Kohhran Hmeichhia	Rs. 10,000/-
TOTAL	Rs. 92,440/-

II. THISEN PETE

UNIT PEK ZAT

1. College of Veterinay Science & A.H.	37	Units
2. KTP, Dawrpui Vengthar Branch	51	Units
3. KTP, Dinthar Vengthlang Branch	33	Units
4. Mizoram Women Polytechnic	33	Units
5. Govt. Zirtiri Residential Science College	93	Units
6. KTP, Phuaibuang Bial	29	Units
7. KTP, Leitan Bial	61	Units
TOTAL	337	Units

III. THILDANG PETE

1. Pu Lalrinthara Pachuau & Family	Rs. 20,000/-
<i>(An fapa Alpha Dinsangzela kum 1 tlin lawmna)</i>	
2. KTP, Phulpui Field Veng Branch	Hmunphiah 65
	Thutthlengsei 2
3. MUP, Sihmui Unit	Hmunphiah 50
4. Darlawn Pastor Bial Kohhran Hmeichhia	Thutthlengsei 5
5. KTP, Sunhluchhip Branch	Hmunphiah 30
	Thutthlengsei 2
6. Darlawn Venghlun Kohhran Hmeichhia	Hmunphiah leh swabstick
	ţahnem tak
7. KTP, Rabung Pastor Bial	Hmunphiah 359
8. KTP, Tualpui Branch	Swabstick
	ţahnem tak

Khawngaihna leh duhsakna avanga kan Lalpa Isua Krista hminga thilpek min petu zawng zawngte hnenah kan Lalpa Isua Krista hmingin lawmthu kan sawi tak meuh meuh a ni e.

Sd/-
REV. C. LALBIAKHLUNA
 Chaplain,
 Synod Hospital

PYF INKHAWMPUI

India ram Presbyterian Kohhran hnuuia thalai pawl, Presbyterian Youth Fellowship Biennial Conference chu Fiangpui Presbyterian Kohhran Biak In, Haflong-ah June 14-16, 2013 chung hian hman a ni a. Mizoram aţangin Synod Choir leh palai eng emaw zat an kal.



Ngaizawl Kohhran chuan May 4-26, 2013 chung khan Pu C. Lallianthanga (Thangtea), Agape Gospel Rhema Team Speaker ruaiin Camping chhawng thum leh Naupang Lâng Camp an buatsaih a. Putling Camp-ah hian mi 150 an lut a, naupang lêng Camp-ah mi 109 an lut bawk. Kohhran pawl dang a tângin mi thahnem tak an lut a. Pathian Thlarau Thianghlim tihharhna ropui tak Kohhranhovin an chang a, Kohhranhoten an hlawkpui hle.

Sazep Kohhran chuan April 9-25, 2013 chung khan Krista Chhiahhlawh Team Speaker Pu Lalthansanga ruaiin Camping tum thum, mipui, rawngbawltu leh naupang pualin an buatsaih a. Tleirawl rual ten piantharna an chang nasa a, Kohhran boruak a nuamin Kohhranhoten hlawk an inti hle.

Chilui Kohhran pawhin May 18-26, 2013 chung khan T. Upa C. Sapchawna, Remna Palai Team Speaker ruaiin Crusade an buatsaih a. Thlarau leh tisa lamah natna nei mi tam takin damna changin Kohhran hote an hlimin an hlawkpui hle.

Free Evangelical Church, District Jail, Kolasib chuan May 8-17, 2013 chung khan Kolasib District Jail-ah Pu Laltindawla, Pathian Thuruk Enkawltute Team Speaker a hmangin Gospel Crusade an buatsaih a. Hetiang rawngbawlna buatsaih a ni hi Jail tangten lawmawm an ti a; taksa leh thlarau lamah mi tam takin damna an chang.

ITI Veng Kohhran pawhin April 1-21, 2013 chung khan Pu C. Lalnunsanga, Joshua Operation Team Speaker ruaiin Camping pangngai chhawng li leh Naupang Sunday School pual camp vawi khat an buatsaih a. Campers 729 zinga mi 29 chu Kohhran pawl dang mi an ni. Tlaih naupang pual tawngtai inkhawm neiin zan lamah Tawngtai Maicham kaihhruainain tawngtaihona neih thin a ni. Kohhranho an hlim a, inkhawm boruak a nuam thin hle.

HMING THLAK

Rev. Lalbiaknia, Administrative Secretary, Manipur Area chuan Synod lama **R. Lalbiaknia** tia a hming ziah thin chu a hming dik tak, **Lalbiaknia** tia siam that a dil angin Synod Service Board-in a remtihsak a; a hming lam leh ziahnaah **Lalbiaknia** tih zel tur a ni e.

TIHDIK NGAI A AWM EM?

Kristian Diary 2013-a Minister/Pastor/Pro Pastor phone number tar lan, tihdik ngai, la report lo chuan sms-in 9862331632-ah rawn report zel teh u. Tel lo telh thar tur pawhin min rawn hriattir ula kan lawm hle ang – Editor

SYNOD EXECUTIVE COMMITTEE 245-NA THUREL THENKHAT

Mizoram Presbyterian Kohhran Committee pawimawh Synod Executive Committee chu ruahman lawk angin June 4-6, 2013 chung khan JM Lloyd Hall, Synod Office Building-ah an thu a. Thurel pawimawh thenkhat hetiang a ni:–

1. Synod hnuaiia sum hmuh leh hman zawng zawng endiktute endikna, Audit Report pawm a ni a, Synod sumte hi Sum Vawn Dan anga him taka vawn a nih thu report dawn a ni.
2. Synod Office Superintendent (2013 - 2015) atan Pu Robert S. Halliday ruat a ni.
3. HIV/AIDS chungchang inzirtirna chu Kohhran mal leh Bial huapa kalpuia Synod Social Front-in trainer a neihte hman tângkai an rawtna pawm a ni a, ram pum huapin Awareness Campaign pawh neih tura tih a ni.
4. HIV+/AIDS veite enkawlina, Grace Home, Synod Hospital, Durtlang hrula mi chu sawrkar lam (NACO) atanga grant hmuh thin tihtawp ni tawh mah se, Synod Hospital budget atanga enkawl chhuzawm zel tura tih a ni.
5. Synod Hospital-ah State Bank of India Automated Teller Machine (ATM) dah remtih a ni.
6. Synod Higher Secondary School-a Multipurpose Hall, mi 1,500 vel leng, cheng nuai 423 zet senga sak ruahmanna (Plan and estimate) chu pawm a ni.
7. Kohhran Number (Tualchhung Kohhran tin tan) neih leh tha tih a ni a, Synod Officers' Meeting (OM) bawhzui tura dah a ni.
8. Kohhran inchhiarna form, inang tlanga hman tura tih a ni a, OM-in hrilhfhahna siamin Kohhran tin hriattir tura rel a ni.
9. Kum 2014-a National Council of Churches in India (NCCI) kum 100 tlin lawmna Programme hrang hrang zinga hun khat, Mizoram Synod-in thleng tura ngen a nih angin NCCI Centenary lawmna hun khat chu Aizawl khawpui chhunga thlen remtih a ni a, OM bawhzui tura dah a ni.
10. Synod hming leh aiawha rawngbawlnaa kal chhuakte leh Committee-a telte hnena

Dearness Allowance (DA) leh Sitting Allowance (SA) pek thin rate tihpun a ni.

11. Khawvel huapa Presbyterian leh Reformed Kohhrante Inzawm khawm (World Communion of Reformed Churches - WCRC)-in Sept. 29 - Oct. 5, 2013 chhunga Brazil rama inkhawmpui an hman tur puala tawngtai rualna hmang tura Presbyterian Church of India (PCI) a rawn ngen angin hemi puala tawngtai rualna hun hi September 29, 2013-ah hman remtih a ni.

12. Bru Christian Fellowship, Aizawla awmtan an inkhawmna hriatpui tur leh baptisma pawh a tul anga chantir tura Mizoram Synod an ngen angin Mission Veng Pastor-in a tul anga a lo enkawl phawt tura tih a ni.

13. Nungcha leh leilung humhalhna lamah – Booklet revised-a chhuah leh te, Seminar buatsaih tura Bial tin ngen te, sermon sawina hun siam tura Kohhran tin ngen te rel a ni.

14. Pathian Biak Inkhawm Hruaina Bu chu Hindi leh English-a a hrana tihchhuah tura rel a ni a, Worship Committee bawhzui tura tih a ni.

15. Synod Revival Kaihhruaina en that a ni

16. Thu ngaihtuah tur a tam avangin September ni 3 leh ni 4-ah SEC Special Sitting neih tura tih a ni.

17. Hna hrang hranga Minister dah tharte:–

(1) Rev. Lalawmpui Hauhnar – Registrar, United Theological College, Bangalore.

(2) Rev. R. Ramnghinglova – Chaplain, Christian Medical College & Hospital (CMC&H), Vellore.

(3) Rev. Malsawmzoliana – Lecturer, Aizawl Theological College.

(4) Rev. Ramngaihawma, Chaplain, Falkawn Referral Hospital

SAWMNA

August 3-4, 2013 hian Synod Revival Committee buatsaihin Zoram pum huap Pavalai Meet - 2013 chu Bethlehem Presbyterian Kohhran Biak In, Aizawl-ah nghah a ni dawn a. Mizoram puma Pavalai Pawl member zawng zawngte chu lo kal vek turin kan sawm a che u.

A thlengtu Kohhrante lo inbuatsaih thiam theih nan Kohhran tin atanga lo kal thei tur zat (a vel tal pawh) **July ni 15** aia tlai lovah a hnuaiia Phone No. tarlanah hian inhriattir theih nise a lawmawm ngawt ang.

Pu S.N. Thanga, Chairman	– 9436141016/9612800302
Pu R.K. Lianzuala, Vice Chairman	– 9612177332
Pu C. Lalrinliana, Secretary	– 9436197567
Tv. Micky Lalnuntluanga, Asst. Secretary	– 8974054476

Sd/- S.N. Thanga
Chairman

Sd/- C. Lalringliana
Secretary

INFORMATION SUB-COMMITTEE : BETHLEHEM PRESBYTERIAN KOHHRAN